

龙溪精舍丛书

龙溪精舍丛书

世說新語卷下之下

宋臨川王義慶撰

梁劉孝標註

排調第二十五

諸葛瑾爲豫州遣別駕到臺

瑾已見

語云小兒知談卿

可與語連往詣恪

江表傳曰恪字元遜瑾長子也少有才名發藻岐嶷辯論應機莫與

爲對孫權見而奇之謂瑾曰藍田生玉眞不虛也仕吳至太傅爲孫峻所害

恪不與相見

後於張輔吳坐中相遇

環濟吳紀曰張昭字子布忠正有才義仕吳爲輔吳將軍

別駕喚恪咄咄郎君恪因嘲之曰豫州亂矣何咄咄

之有荅曰君明臣賢未聞其亂恪曰昔唐堯在上四

凶在下荅曰非唯四凶亦有丹朱於是一坐大笑

晉文帝與二陳共車過喚鍾會同載即駛車委去比

出已遠既至因嘲之曰與人期行何以遲遲望卿遙

遙不至會荅曰矯然懿實何必同羣帝復問會臯繇

何如人荅曰上不及堯舜下不逮周孔亦一時之懿

士二陳騫與泰也會父名繇故以遙遙戲之騫父矯宣帝諱懿泰父羣祖父寔故以此酬之

鍾毓爲黃門郎有譏警在景王坐燕飲時陳羣子玄

伯武周子元夏同坐在坐

魏志曰武周字伯南沛國竹邑人仕至光祿大夫

其

嘲毓景王曰臯繇何如人對曰古之懿士顧謂玄伯

元夏曰君子周而不比羣而不黨

孔安國注論語曰忠信爲周阿黨爲

比黨助也君子
雖眾不相私助

嵇阮山劉在竹林酣飲王戎後往步兵曰俗物已復

來敗人意

魏氏春秋曰時謂王戎未能超俗也

王笑曰卿輩意亦復可

敗邪

晉武帝問孫皓

吳錄曰皓字元宗一名彭祖太皇帝孫也景帝崩皓嗣位爲晉所滅封歸

命

侯聞南人好作爾汝歌頗能爲不皓正飲酒因舉觴

勸帝而言曰昔與汝爲鄰今與汝爲臣上汝一杯酒
令汝壽萬春帝悔之

孫子荆年少時欲隱語王武子當枕石漱流誤曰漱
石枕流王曰流可枕石可漱乎孫曰所以枕流欲洗

其耳逸士傳曰許由為堯所讓其友巢父責之由乃過清冷水洗耳拭目日向聞貪言負吾之友

所以漱石欲礪其齒

頭責秦子羽云子羽未詳子曾不如太原溫顥潁川荀寓

溫顥已見荀氏譜曰寓字景伯祖式太尉父保御史中丞世語曰寓少與裴楷王戎杜默俱有名仕晉至

尚范陽張華士卿劉許晉百官名曰劉許字文生祿鹿郡人父放魏驃騎將軍許

惠帝時為宗正卿按許與張華同范陽人義陽鄒湛故曰士卿互其辭也宗正卿或曰士卿

河南鄭詡晉諸公贊曰湛字潤甫新野人以文義達仕至侍中詡字思淵滎陽開封人為衛尉

卿祖泰揚州刺史父褒司空此數子者或謇喫無宮商或阨陋希

言語或淹伊多姿態或謹譁少智諳或口如含膠飴

或頭如巾壅杵文士傳曰華為人少威儀多姿態推意此語則此六句還以目上六人而

口如含膠飴則指鄒湛湛而猶以文采可觀意思詳

序攀龍附鳳並登天府

張敏集載頭貢子羽文曰余友有秦生者雖有姊夫之尊

少而狎焉同時好曜有太原溫長仁顯潁川荀景伯寓范陽張茂先華士卿劉文生許南陽鄒潤甫湛河南鄭思淵詡數年之中繼踵登朝而此賢身處陋巷屢沽而無善價亢志自若終不衰墮爲之慨然又怪諸賢既已在位曾無伐木嚶鳴之聲甚違王貢彈冠之義故因秦生容貌之盛爲頭貢之文以戲之并以嘲六子也雖似諸謔實有與也其文曰維泰始元年頭貢子羽曰吾託子爲頭髮置鼻耳安眉須插牙齒精造我以形我爲子植髮膚置鼻耳安眉須插牙齒眸子擲光雙顧隆起每至出入之間遨遊市里行者辟易坐者竦踞或稱君侯或言將軍捧手傾側佇立崎嶇如此者故我形之足偉也子冠冕不戴金銀不佩釵以當笄恰以代幘旨味弗嘗食粟茹菜隈摧園間糞壤汗黑歲莫年過曾不自悔子厭我於形容我賤子乎意態若此者乎必子行己之累也子遇我如讐我視子如仇居常不樂兩者俱憂何其鄙哉子欲

爲人寶也則當如臯陶后稷巫咸伊陟保父王家永
見封殖子欲爲名高也則當如許由子威卞隨務光
洗耳逃祿千歲流芳子欲爲遊說也則當如陳軫蒯
通陸生鄧公轉禍爲福令辭從容子欲爲進趣也則
當如賈生之求試終軍之請使砥礪鋒穎以幹王事
子欲爲恬淡也則當如老聃之守一莊周之自逸廓
然離欲志陵雲曰子欲爲隱遁也則當如榮期之帶
索漁父之灑澗棲遲神丘垂餌巨壑此一介之所以
顯身成名者也今子上不希道德中不效儒墨塊然
窮賤守此愚惑察子之情觀子之志退不爲於處土
進無望於三事而徒翫日勞形習爲常人之所喜不
亦過乎於是子羽愀然深念而對曰凡所教敕謹聞
命矣以受性拘係不閒禮義設以天幸爲子所寄今
欲使吾爲忠也卽當如伍胥屈平欲使吾爲信也則
當殺身以成名欲使吾爲介節邪則當赴水火以全
貞此四者人之所忌故吾不敢造意頭曰子所謂天
刑地網剛德之尤不登山抱木則褰裳赴流吾欲告
爾以養性誨爾以優游而以蟣蝨同情不聽我謀悲
哉俱寓人體而獨爲子頭且擬人其倫喻子儕偶子
不如太原溫顥潁川荀寓范陽張華士卿劉許南陽

鄒湛河南鄭誦此數子者或譽喫無宮商或庇陋希
言語或淹伊多姿態或謹譁少智謂或口如含膠飴
或頭如巾壑杵而猶文采可觀意思詳序攀龍附鳳
並登天府夫砥痔得車沈淵得珠豈若夫子徒令脣
舌腐爛手足沾濡哉居有事之世而恥爲權圖譬猶
鑿池抱甕難以求富嗟乎子羽何異檻中之熊深窞
之虎石間饑蟹寶中之鼠事力雖勤見功甚苦宜其
拳局剪蹙至老無所希也支離其形猶能不困非命
也夫豈與夫子同處也

王渾與婦鍾氏共坐見武子從庭過渾欣然謂婦曰

生兒如此足慰人意婦笑曰若使新婦得配參軍生

兒故可不啻如此

王氏家譜曰倫字太沖司空穆侯中子司徒渾弟也醇粹簡遠貴老

莊之學用心淡如也爲老子例略周紀年二十餘舉

孝廉不行歷大將軍參軍年二十五卒大將軍爲之

涕流

荀鳴鶴陸士龍二人未相識俱會張茂先坐張令其語以其並有大才可勿作常語陸舉手曰雲間陸士龍荀荅曰日下荀鳴鶴陸曰既開青雲覩白雉何不張爾弓布爾矢荀荅曰本謂雲龍騃騃定是山鹿野麋獸弱弩彊是以發遲張乃撫掌大笑

晉百官名曰荀隱字鳴鶴

穎川人荀氏家傳曰隱祖所樂安太守父岳中書郎隱與陸雲在張華坐語互相反覆陸連受屈隱辭皆美麗張公稱善云世有此書尋之未得歷太子舍人廷尉平蚤卒

陸太尉詣王丞相

陸玩已見

王公食以酪陸還遂病明日

與王賡云昨食酪小過通夜委頓民雖吳人幾爲傖

鬼

元帝皇子生普賜羣臣殷洪喬謝曰

殷美已見

皇子誕育

普天同慶臣無勳焉而猥頒厚賚中宗笑曰此事豈

可使卿有勳邪

諸葛令王丞相共爭姓族先後王曰何不言葛王而

云王葛令曰譬言驢馬不言馬驢驢寧勝馬邪

諸葛恢

劉真長始見王丞相時盛暑之月丞相以腹熨彈棊

局曰何乃洶

吳人以冷爲洶

劉旣出人問見王公云何劉曰

未見他異唯聞作吳語耳

語林曰真長云丞相何奇止能作吳語及細唾也

王公與朝士共飲酒舉琉璃盃謂伯仁曰此盃腹殊

空謂之寶器何邪

以戲周之無能

荅曰此盃英英誠爲清徹

所以爲寶耳

謝幼輿謂周侯曰卿類社樹遠望之峨峨拂青天就

而視之其根則羣狐所託下聚溷而已

謂顗好
蝶漬故

荅曰

枝條拂青天不以爲高羣狐亂其下不以爲濁聚溷
之穢卿之所保何足自稱

王長豫幼便和令丞相愛恣甚篤每共圍碁丞相欲
舉行長豫按指不聽丞相笑曰詎得爾相與似有瓜

葛

蔡邕曰瓜
葛踈親也

明帝問周伯仁眞長何如人荅曰故是千斤犢特王
公笑其言伯仁曰不如捲角犗有盤辟之好

以戲
王也

王丞相枕周伯仁鄴指其腹曰卿此中何所有荅曰此中空洞無物然容卿輩數百人

千寶向劉真長

中興書曰寶字令升新蔡人祖正吳奮武將軍父瑩丹陽丞寶少以博學

才器著稱歷散騎常侍

叙其搜神記

孔氏志怪曰寶父有嬖人寶母至妬干寶父葬時因

推著藏中經十年而母喪開墓其婢伏棺上就視猶媛漸有氣息興還家終日而蘇說寶父常致飲食與之接寢恩情如生家中吉凶輒語之校之悉驗平復數年後方卒寶因作搜神記中云有所感起是也

劉曰卿可謂鬼之董狐

春秋傳曰趙穿攻晉靈公於桃園趙宣子未出境而復太

史書趙盾弑其君宣子曰不然對曰子為正卿亡不越境反不討賊非子而誰孔子曰董狐古之良史也書法不隱趙盾古之賢大夫也為法受惡

許文思往顧和許願先在帳中眠許至便徑就牀角

枕其語

許琛已見

既而喚顧其行顧乃命左右取杭上新

衣易已體上所著許笑曰卿乃復有行來衣乎

康僧淵曰深而鼻高王丞相每調之僧淵曰鼻者面

之山

管輅別傳曰鼻者天中之山相書曰鼻之所在為天中鼻有山象故曰山

目者面之

淵山不高則不靈淵不深則不清

何次道往瓦官寺禮拜甚勤

充崇釋氏甚加敬也

阮思曠語之

曰卿志大宇宙

尸子曰天地四方曰宇往古來今日宙

勇邁終古

終古往古

也楚辭曰吾不能忍此終古也

何曰卿今日何故忽見推阮曰我圖

數千戶郡尙不能得卿乃圖作佛不亦大乎

思曠裕也

庾征西大舉征胡既成行止鎮襄陽

晉陽秋曰翼率衆入沔將謀伐

狄既至襄陽狄尙彊未可決戰會康帝崩
兄冰薨留長子方之守襄陽自馳還夏口殷豫章與

書送一折角如意以調之

豫章殷美

庾荅書曰得所致雖

是敗物猶欲理而用之

桓大司馬乘雪欲獵先過王劉諸人許真長見其裝

束單急問老賊欲持此何作桓曰我若不爲此卿輩

亦那得坐談

語林曰宣武征還劉尹數十里迎之桓都不語直云垂長衣談清言竟是誰功

劉荅曰晉德靈長功豈在爾二人說小異故詳載之

褚季野問孫盛卿國史何當成孫云久應竟在公無

暇故至今日褚曰古人述而不作何必在蠶室中

漢書

曰李陵降匈奴武帝甚怒太史令司馬遷盛明陵之忠帝以遷爲陵遊說下遷腐刑乃述唐虞以來至于

獲麟爲史記遷與任安書曰李陵旣生降僕又茸之以蠶室蘇林注曰腐刑者作密室蓄火時如蠶室舊時平陰有蠶室獄

謝公在東山朝命屢降而不動後出爲桓宣武司馬將發新亭朝士咸出瞻送高靈時爲中丞亦往相祖先時多少飲酒因倚如醉戲曰卿屢違朝旨高臥東山諸人每相與言安石不肯出將如蒼生何君亦蒼生將如卿何謝笑而不荅高靈已見婦人集載桓玄問王凝之妻謝氏曰太傅東山二十餘年遂復不終其理云何謝荅曰亡叔太傅先正以無用爲心顯隱爲優劣始末正當動靜之異耳初謝安在東山居布衣時兄弟已有富貴者翕集家

門傾動人物劉夫人戲謂安曰大丈夫不當如此乎
謝乃捉鼻曰但恐不免耳

支道林因人就深公買印山深公荅曰未聞巢由買

山而隱

逸士傳曰巢父者堯時隱人山居不營世利
年老以樹爲巢而寢其上故號巢父高逸沙

門傳曰遁得深公
之言慙慙而已

王劉每不重蔡公二人嘗詣蔡語良久乃問蔡曰公
自言何如夷甫荅曰身不如夷甫王劉相目而笑曰
公何處不如荅曰夷甫無君輩客

張吳興年八歲齟齬

玄之已見

先達知其不常故戲之曰

君口中何爲開狗竇張應聲荅曰正使君輩從此中